

ხელშეკრულება 5-2016

დომენური სახელ(ებ)ის სარგებლობის უფლებით გადაცემაზე

ქ. თბილისი

3 მაისი 2016 წელი

შესყიდვის განხორციელების მიზნით, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს<sup>1</sup>“ ქვეპუნქტის თანახმად (CPV72400000), ერთის მხრივ სსიპ საჯარო აუდიტის ინსტიტუტი, ქ. თბილისი წმიდა ქეთევან დედოფლის გამზ. N96, 206350312, დავით აზმაიფარაშვილი 01027015495 (შემდგომში "რეგისტრაციი") და მეორეს მხრივ, შპს "კავკასუს ონლაინი" (იურიდიული მისამართი: ქ. თბილისი, ვაჟა-ფშაველას გამზ. 71). წარმოდგენილი დირექტორის მინდობილი პირის ლიანა მუსერიძის სახით (შემდგომში "ადმინისტრატორი") არსებული მინდობილობის საფუძველზე "რეგისტრაციი" და "ადმინისტრატორი" შემდეგში ერთად წოდებულ როგორც "მხარეები" ხოლო ცალცალკე როგორც "მხარე", ვმოქმედებთ რა თითოეული ორგანიზაციის წესდებით მინიჭებული უფლებამოსილებისა და საქართველოში მოქმედი კანონმდებლობის საფუძველზე ვდებთ ამ ხელშეკრულებას და ვთანხმდებით შემდეგზე:

#### მუხლი 1. ხელშეკრულების საგანი

ვებგვედრზე ([www.registration.ge](http://www.registration.ge)) რეგისტრაციის უფლებამოსილი წარმომამდგენლის მიერ შევსებული განაცხადით მოთხოვნილი ინტერნეტდომენური სახელის

sai.ge რეგისტრაციისათვის წინამდებარე ხელშეკრულების, "GE დომენის რეგისტრაციისა და სარგებლობის წესებისა და პირობებისა" (როგორც ეს გამოქვეყნებულია საიტზე [www.registration.ge](http://www.registration.ge)) და საქართველოს კომუნიკაციების ეროვნული კომისიის 2006 წლის N3 დადგენილების ელექტრონული კომუნიკაციების სფეროში მომსახურების მიწოდებისა და მომხმარებელთა უფლებების დაცვის შესახებ რეგლამენტის შესაბამისად, დროებით სარგებლობაში გადაცემა.

#### მუხლი 2. ხელშეკრულების მოქმედების პერიოდი და ძალაში შესვლის პირობები

- 2.1. წინამდებარე ხელშეკრულება მოქმედებს 05.04.16- დან 05.04.17 მდე.
- 2.2. იმ შემთხვევაში თუ წინამდებარე ხელშეკრულების ვადის ამოწურვამდე რეგისტრაციის მიერ განხორციელდება წინამდებარე ხელშეკრულების საგნის დროებითი სარგებლობისათვის განსაზღვრულ წლიურ საფასურის გადახდა მომდევნო სააღრიცხვო პერიოდზე, წინამდებარე ხელშეკრულება ყველა მისი თანდართული წერილობითი (მათ შორის ელექტრონული) დოკუმენტით ავტომატურად გაგრძელდება 1 (ერთი) კალენდარული წლის ვადით იმავე პირობებით. აღნიშნული პირობა ვრცელდება ყოველ მომდევნო პერიოდზე.

#### მუხლი 3. ღირებულება და გადახდის წესი

3.1. წინამდებარე ხელშეკრულების პირველ მუხლში აღნიშნული ერთი ინტერნეტდომენური სახელის სარგებლობაში გადაცემისათვის განსაზღვრული ყოველწლიური ღირებულება შეადგენს 30,00 ლარს საქართველოს მოქმედი კანონმდებლობით გათვალისწინებული გადასახადების ჩათვლით.

3.2. წინამდებარე ხელშეკრულების ავტომატურად გაგრძელების შემთხვევაში რეგისტრაციი იღებს ვალდებულებას გადაიხადოს წინამდებარე ხელშეკრულების 3.1. მუხლში ინტერნეტ-დომენური სახელით სარგებლობის უფლების გადაცემისათვის განსაზღვრული წლიური საფასური წინამდებარე ხელშეკრულების მოქმედების ვადის ამოწურვამდე.

#### მუხლი 4. მხარეთა უფლებამოვალეობები

##### 4.1. რეგისტრაცის უფლება აქვს:

მოსთხოვოს მიმწოდებელს წინამდებარე ხელშეკრულებით ნაკისრი ვალდებულებების შესრულება.

##### 4.2. რეგისტრაციი ვალდებულია:

- ა) გაეცნოს და შეასრულოს GE დომენის რეგისტრაციისა და სარგებლობის წესები და პირობები ([www.registration.ge](http://www.registration.ge));
- ბ) ყოველწლიურად, დროულად მოახდინოს მომსახურების ღირებულების გადახდა;
- გ) მიაწოდოს ადმინისტრატორს სარეგისტრაციო მონაცემების განსახლებლად აუცილებელი ინფორმაცია ([www.registration.ge](http://www.registration.ge));
- დ) არ დაუშვას მისთვის დროებით სარგებლობაში გადაცემული ინტერნეტდომენური სახელით დარეგისტრირებულ ინტერნეტგვერდზე დაუშვებელი პროდუქციის განთავსება;
- ე) არ დაუშვას მის მიერ ვებგვედრზე ([www.registration.ge](http://www.registration.ge)) რეგისტრაციის დროს მითითებული სახელისა და პაროლის გადაცემა მესამე პირებზე;

ვ) წინამდებარე ხელშეკრულება გააფორმოს მხოლოდ საკუთარი საჭიროებისათვის და არ იმოქმედოს სხვა (მესამე) პირ(ებ)ის დავალებით ან სასარგებლოდ;

#### 4.3. ადმინისტრატორს უფლება აქვს:

მოსთხოვოს რეგისტრაციას წინამდებარე ხელშეკრულებითა და GE დომენის რეგისტრაციისა და სარგებლობის წესები და პირობები ნაკისრი ვალდებულებების შესრულება.

#### 4.4. ადმინისტრატორი ვალდებულია:

- გაუწიოს რეგისტრაცის კონსულტაცია დომენური სახელის რეგისტრაციის პროცედურის შესახებ;
- მიიღოს გადაწყვეტილება დომენური სახელის რეგისტრაციისა ან რეგისტრაციის ვადის გაგრძელების შესახებ GE დომენის რეგისტრაციისა და სარგებლობის წესებისა და პირობების დაცვით ([www.registration.ge](http://www.registration.ge));
- უზრუნველყოს რეგისტრაციის მიერ მოწოდებული სარეგისტრაციო მონაცემებისა და ინფორმაციის დროული განახლება.

#### მუხლი 5. მხარეთა ურთიერთვალდებულებები და პასუხისმგებლობა

5.1. ადმინისტრატორი არ არის პასუხისმგებელი მესამე პირის მიერ რეგისტრაციის სარეგისტრაციო მონაცემების (ვებგვედრზე ([www.registration.ge](http://www.registration.ge)) ნებისმიერი სახით გამოყენებაზე). რეგისტრაციისათვის ცნობილია, რომ ვებგვერდზე [www.registration.ge](http://www.registration.ge) შექმნილი პროფილიდან შევსებული განაცხადი, ან ნებისმიერი ხასიათის სხვა მოთხოვნა მხარეებისათვის წარმოადგენს სამართლებრივ დოკუმენტს, რის საფუძველზეც მხარეთა შორის წარმოიშობა მოთხოვნის შესაბამისი ვალდებულებები.

5.2. წინამდებარე ხელშეკრულების საფუძველზე ან მასთან დაკავშირებით მხარეთა მიერ ერთმანეთისათვის გაგზავნილი ნებისმიერი ხასიათის შეტყობინება ან მოთხოვნა მიწოდებულად უნდა ჩაითვალოს შეტყობინების ან მოთხოვნის რეგისტრაციის მიერ ვებგვერდზე საკუთარ პროფილში მითითებულ საკონტაქტო რეკვიზიტებზე, მობილურის ნომერზე ტექსტური შეტყობინების, ფაქსის ან ელფოსტის საშუალებით გაგზავნის შემთხვევაში გაგზავნის დროს, ხოლო ფოსტის საშუალებით გაგზავნის შემთხვევაში ფოსტაში განთავსებიდან მე-5 დღეს.

#### მუხლი 6. ხელშეკრულების მოქმედების შეწყვეტის საფუძვლები

##### 6.1. ხელშეკრულების შეწყვეტის საფუძველია:

###### 6.1.1. მხარეთა შეთანხმება;

###### 6.1.2. წინამდებარე ხელშეკრულების 2.1. მუხლით დაწესებული ვადის გასვლა.

6.1.3. მოქმედი კანონმდებლობის ცვლილება, რომელიც ცვლის ან აუქმებს წინამდებარე ხელშეკრულების რომელიმე დებულებას, არ იწვევს მთლიანად ხელშეკრულების ან მისი სხვა დებულებების ბათილობას. ამ შემთხვევაში მხარეები შეეცდებან მოქმედ კანონმდებლობასთან შეუსაბამო ან ბათილი დებულება შეცვალონ ისეთი დებულებით, რომელიც ყველაზე უკეთ ასახავს კანონმდებლობასთან შეუსაბამო ან ბათილი დებულების არსს.

6.2.1. GE დომენის რეგისტრაციისა და სარგებლობის წესებისა და პირობების 1.11 პუნქტით გათვალისწინებული რომელიმე პირობის დადგომა.

#### მუხლი 7. მარეგულირებელი კანონმდებლობა და დავების გადაწყვეტა

7.1. წინამდებარე ხელშეკრულებით და მისი დანართებით გაუთვალისწინებელი ყველა საკითხი, მხარეთა შეთანხმებით მოწესრიგდება საქართველოს მოქმედი კანონმდებლობის შესაბამისად.

7.2. მხარეთა შორის ყველა დავა გადაწყდება ურთიერთმოლაპარაკების გზით. მხარეთა მიერ ოცდაათი (30) კალენდარული დღის განმავლობაში შეთანხმების მიუღწევლობის შემთხვევაში, დამკვეთს შეუძლია ერთჯერადად მიმართოს შპს "კავკასუს ონლაინის" დავების განმხილველ სამსახურს, რომელიც, არის მისი შიდა ფუნქციური ორგანო.

7.3. ნებისმიერ დავა, წარმოშობილი წინამდებარე ხელშეკრულებიდან ან მასთან დაკავშირებით არსებული ნებისმიერი შეთანხმებიდან, მათ შორის ნებისმიერი საკითხი ხელშეკრულებიდან ანდა შეთანხმების არსებობის, ნამდვილობისა და შეწყვეტის შესახებ განხილვისა და საბოლოო გადაწყვეტილების მიღების მიზნით უნდა გადაეცეს სასამართლოს საქართველოში მოქმედი კანონმდებლობის შესაბამისად.

#### მუხლი 8. ფორს მაჟორი

8.1. მხარეები თავისუფლდებიან პასუხისმგებლობისაგან აღნიშნული ხელშეკრულებით გათვალისწინებული ვალდებულებების ნაწილობრივ ან მთლიანად შეუსრულებაზე, თუ ეს გამოწვეულია გაფიცვების, ომის, წყალდიდობის, ხანძრის და სხვა სტიქიური მოვლენების შედეგად.

#### მუხლი 9. ხელშეკრულების სხვა პირობები

9.1. ხელშეკრულება შედგენილია ქართულ ენაზე 2 (ორ) ეგზემპლარად და ინახება მხარეებთან. თითოეულ მხარეს მიეცემა ხელშეკრულების თითო ეგზემპლიარი.

9.2. წინამდებარე ხელშეკრულების რომელიმე მუხლის (ან მისი ნაწილის) ბათილობა არ გამოიწვევს მთლიანად ხელშეკრულების ბათილობას.

9.3. ხელშეკრულების მუხლებს წანამდლვრებული აქვს სათაურები ხელშეკრულების ტექსტით სარგებლობის გასადავილებლად და ეს სათაურები არ მიიჩნევა ამ ხელშეკრულების რომელიმე დებულების განმსაზღვრელად, შემცვლელად ან განმმარტებლად.

9.4. ხელშეკრულება არ შეიცავს რაიმე დამატებით სიტყვიერ შეთანხმებას.

9.5. ხელშეკრულებას თან ერთვის GE დომენის რეგისტრაციისა და სარგებლობის წესებისა და პირობები, რომელიც ძალაშია ხელშეკრულებასთან ერთად და წარმოადგენს მის განუყოფელ ნაწილს.

9.6. ხელშეკრულებას შეიძლება თან ერთვოდეს დოკუმენტები, რომელიც დაკავშირებულია მასთან და ასევე წარმოადგენს მის განუყოფელ ნაწილს (რეგისტრაციის მიერ ვებგვერდზე [www.registration.ge](http://www.registration.ge) შევსებული ელ. განაცხადი დომენური სახელის რეგისტრაციაზე). ყოველივე ზემოაღნიშნულის დასადასტურებლად, მხარეებმა საკუთარი უფლებამოსილი წარმოშადგენლების საშუალებით ზემოთმითითებულ დღესა და წელს გააფორმეს წინამდებარე ხელშეკრულება.

ყოველივე ზემოაღნიშნულის დასადასტურებლად, მხარეებმა საკუთარი უფლებამოსილი წარმომადგენლების საშუალებით ზემოთმითითებულ დღესა და წელს გააფორმეს წინამდებარე ხელშეკრულება.

#### მხარეთა რეკვიზიტები და ხელმოწერები

ადმინისტრატორი

რეგისტრანტი

შპს "კავკასუს ონლაინი"

საიდენტიფიკაციო კოდი: 211380833

მისამართი: ქ. თბილისი, ვაჟა ფშაველას გამზ. 71

ტელეფონი: 2970037


საბანკო რეკვიზიტები: სს თიბისი ბანკი

ა/ა GE59TB0600000100467052, ბანკის კოდი: TBCBGE22

შპს კავკასუს ონლაინი

თბილისის სერვის ცენტრი #1

211380833



Tbilisi Service Center #1  
ლიანა მუსტაფას სის Online LLC  
დირექტორის მინდობილი პირი

სსიპ საჯარო აუდიტის ინსტიტუტი

206350312

